



Mještebski list

KITRDŽIĆ

MEDŽLIS ISLAMSKE ZAJEDNICE SREBRENIK

Broj 2 + Godina III + Srebrenik, mart 2013. g. / Danas je dan 1434. h. / Cijena 100 Kč



TEMA BROJA:

DŽEMAT TUTNJEVAC, DŽEMAT LJENOBUD ISLAMSKI ŠARTI



**REISU-L-ULEMA
HUSEIN EF. KAVAZOVIĆ
POSJETIO MEDŽLIS IZ-
SREBRENIK**





Poslanik, s.a.v.s., rekao je: "Kod koga se nade troje, osjetit će slast imana (vjerovanja): da mu Allah, i Njegov Poslanik, r , budu važniji (draži) od svega ostalog; da mrzi povratak u nevjerstvo kao što mrzi biti bačen u vatru; da voli brata muslimana samo u ime Allaha." (Muttefekun alejhi)



Posjetite nas
na Facebook
profilu

ISSN 2233-1972





Izdavač:
MEDŽLIS ISLAMSKE ZAJEDNICE
SREBRENIK

Za izdavača:
Mevludin ef. Joldić

Glavni i odgovorni urednik:
Damir ef. Babajić

Redakcija:
Refik ef. Hodžić glavni imam,
Mevludin ef. Joldić - predsjednik IO,
Emir ef. Brašnjić, Jasmin ef. Sukanović

Lektor:
Damir ef. Babajić

DTP
PRINTAS d.o.o. Srebrenik

Štampa:
PRINTAS d.o.o. Srebrenik

Tiraž:
300 primjeraka

Srebrenik, mart 2013. godine
Džumade-l-ula 1434. h. godine

Adresa redakcije:
MEDŽLIS ISLAMSKE ZAJEDNICE
SREBRENIK
Ul. M. Tita bb, 75350 Srebrenik
e-mail: info@medzlisrebrenik.com
www.medzlisrebrenik.com

e-mail: kandilj@hotmail.com

بِسْمِ اللّٰهِ الرَّحْمٰنِ الرَّحِيْمِ
U ime Allaha. milostivog, samilosnog

Hvala pripada samo Allahu dž.š., neka je salavat i selam na poslanika Muhammeda a.s.

DRAGI UČENICI

Es-selamu alejkum!

Evo nas sa 7 brojem časopisa Kandilj u kojem vas očekuje mnogo zanimljivih sadržaja. Nadamo se da će vam se svidjet onoliko koliko i brojevi koji su iza nas. Trudili smo se da za vas odaberemo različite i zanimljive teme, ali i da unesemo neke vaše radove i priloge koje ste nam slali zajedno sa vašim muallimima. Na našu veliku radost pristiglo je dosta vaših radova i prijedloga i to će nam pomoći da sljedeći naš broj bude još interesantniji. Jedan od vaših prijedloga je bio da u idućim brojevima našeg Kandilja predstavimo nekoliko polaznika mektebske nastave, što ćemo i učiniti ako Bog da, i u ovom broju vam dostavljamo način na koji ćete to moći učiniti (urnek za predstavljanje učenika na stranici broj 2). Javljam se i dalje, a svojim idejama doprinesite da ovaj naš časopis bude što bogatiji i privlačniji.

U ovom broju časopisa predstavljamo vam džemate Ljenobud i Tutnjevac, najbitnije karakteristike, mekteb i mektebske polaznike. U ovom broju vam donosimo zanimljivosti sa internet stranica, otvoren je facebook profil pod nazivom „Kandilj mektebske novine“ te otvorena je facebook grupa Kandilj, pa je posjetite i pište korisne informacije kao i komentare.

Iskreno, vaši urednici!

KANDILJ SVIMA VAMA OTVARA MOGUĆNOST
DA SE PREDSTAVITE NJEGOVIM ČITATELJIMA.
AKO TO ŽELITE, BIT ĆE DOVOLJNO DA ISPU-
NITE OVAJ OBRAZAC, ZALIJEPITE SVOJU
SLIKU I TO NAM POŠALJETE NA ADRESU
LISTA, PUTEM E-MAILA ILI DOSTAVITE SVOM
MUALLIMU.
PREDSTAVLJAM SE:

(fotografija)

Ime i prezime	_____
Škola i razred	_____
Mjesto	_____
Datum rođenja	_____
Mekteb koji pohađaš	_____
Stupanj mekteba	_____
Učiš li u Kur'anu ili sufari	_____
Hobi	_____

Dodjela nagrada za najbolje radove

Sinoć, 22.02.2013. godine Srebrenik je osvijetljen posebnom svjetlošću. Naime, u našem gradu su sinoć proglašeni najbolji radovi iz literarnog konkursa na temu "STAZOM SPASA POVEDI NAS PEJGAMBERE!" Divno je bilo biti dijelom ove manifestacije i uživati u nekom posebnom ozračju kojeg su svi prisutni mogli osjetiti. Na samom početku ašare je proučio polaznik mekteba Ensar Joldić. Glavni imam MIZ Srebrenik Refik ef. Hodžić je poselamio sve prisutne i podsjetio na ulogu koji bi Pejgamber a.s. trebao imati u našim životima. Zatim se obratio predsjednik U.G. Pustinjska ruža Esmir Selimović sa porukom da je ovo udruženje spremno na saradnju sa svima koji običnom narodu žele lakši život. U ime Aktiva vjeroučitelja obratio se Zehrudin Muhedinović, direktor O.Š. Rapatnica, koji je istakao značaj ovih i sličnih projekata koji se odvijaju na području naše općine. Najzanimljiviji dio programa je naravno svečano proglašenje najuspješnijih radova. Na osnovu pregleđanih radova komisija je odlučila da treće mjesto dijele tri rada i to: SKOPLJAK ALMA, ARIFOVIĆ RABIJA I SOFIĆ AJLA. Drugo mjesto je osvojila PIRAGIĆ ELMA. Prvo mjesto i po ocjeni komisije ubjedljivo najbolji rad pripada KARIĆ AJDINU sa Kiseljaka. Diplome i novčane nagrade najuspješnjim učesnicima ovog kongresa je uručio, u ime MIZ Srebrenik, glavni imam Refik ef. Hodžić dok je predsjednik U.G. Pustinjska Ruža Esmir Selimović uručio skromne hedije. Za prelijep ambijent dužni smo zahvaliti horu O.Š. Rapatnica koji su izveli par prelijepih ilahija. Na kraju je pobednik KARIĆ AJDIN pročitao svoj nagrađeni rad a njegov glas je izmamio i suze kod nekih posjetilaca ove manifestacije. U.G. Pustinjska ruža zahvaljuje se MIZ Srebrenik i Aktivu Vjeroučitelja kao i imamima bez kojih ovaj projekt ne bi bio ovako uspešan. Čestitamo svim nagrađenim i nadamo se da nam ovo neće biti posljednji susret.

Rad Karić Ajdina koji je osvojio prvo mjesto na konkursu!

Bismillah.

„Vi u Božjem Poslaniku imate najljepši uzor...“ - Kur'an

Sjedim na pločniku ispred džamije u podnožju planine Majevica. Posmatram čas planinu i sjećam se ...sjećam se hodžinih priča o poslaniku Muhammedu. Priča moj dobri hodža, da je on živio u jednom gradu u podnožju jedne planine. Priča moj dobri hodža da je naš dragi poslanik bio siroče. Priča moj dobri hodža da babu nije ni upoznao. Priča ti tako moj dobri hodža... a ja slušam. Sjećam se da je hodža jednom rekao da Muhammed ni majku nije imao. Znam da je to istina, jer mi je to pričao moj hodža. Zamisljam sebe u tom gradu, u podnožju te planine. Teško mi je zamisliti ali pokušavam. Često čujem kako pričaju da je Pariz grad ljubavi, grad

svjetlosti, najljepši grad. Ali moj hodža kaže da to nije istina. On kaže da je Mekka grad ljubavi, grad svjetlosti, najljepši grad i iznad svega grad milosti. Ja vjerujem svom hodži. „A zašto je baš Mekka taj grad?“ pitam sav radoznao. „Zato što je Muhammed a.s. tamo rođen“ odgovara hodža sa nježnim osmijehom na licu i pogledom punim zadovoljstva. Sjećam se tih prvih dana mekteba sjedeći ovdje na pločniku ispred džamije u podnožju planine Majevica. Poslanik je živio u Mekki, u podnožju Džebelu Nura, Brda milosti. Kaže hodža da je na tom brdu, u pećini koja se zove Hira, primio prvu objavu. Vidio je meleka Džibrila od koga je dobio prve riječi, prvu poruku Kur'ana. Tog dana svijet se počeo mijenjati. Nekoliko stoljeća kasnije te magične riječi te časne Knjige promijenit će i naše podneblje. I kao što ja dobijem zadaču od nastavnika u školi i poslanik je dobio zadaču od Allaha. Njegova zadača je bila da Objavu prenese ljudima oko sebe ne bi li i oni počeli vjerovati u Allaha. Tada u Poslanikovom gradu niko nije vjerovao u Allaha, ljudi su vjerovali da ima puno bogova. Poslaniku je bilo teško, progonili su ga, psovali i tukli ali on nije posustajao. Bio je ustrajan i jak. Pokazao je ljudima put ka spasu. Pokazao je ljudima put ka džennetu. Ko je htio da ide sa njim toga je poveo ka pravom putu. Kaba. Srce islama. Orientacija svakog muslimana. Naš centar. Kaže hodža da je Ibrahim a.s. izgradio Kabu sa svojim sinom Ismailom a.s. Nakon nekog vremena ljudi su zaboravili na vjeru Ibrahimovu. Muhammed a.s. je poslan da obnovi Ibrahimovo učenje, da nas povede stazom spasa. I tako je Muhammed a.s. rođen u jednom gradu, zvanom Mekka, u arapskoj pustinji u vrijeme kada je vladalo bezbožništvo. Poslaniče gdje si sad? Sad kad si nam prijeko potreban? Sad kad bezbožništvo uzima sve više maha?

Povedi nas u bolje sutra, povedi nas ka Allahovom zadovoljstvu. Povedi nas ka pronalasku vjere u nama. Ostavio si nam objavu Božiju i tvoj sunnet. Ali smo zaboravili da se vladamo po tome. Nauči nas da opet slijedimo tvoj put. Nauči nas...povedi nas...“ Allah mi je naredio da moj put bude pouka, da naređujem ono što je ispravno i lijepo“. -Hadis Neka je selam i salavat na Muhammeda a.s. njegovu porodicu, njegove ashabe i sve njegove sljedbenike. Amin!

Karić Ajdin Džemati-mekteb Kiseljak





ISLAMSKI ŠARTI

Praktične dužnosti islama su pet osnovnih islamskih dužnosti koje su strogo naređene (farz) svim muslimanima i bez čijeg ispunjavanja musliman nije "pokoran Alahu", što je doslovan prijevod arapske riječi "muslim". Stalno i namjerno neizvršavanje islamskih dužnosti znači nevjerništvo, a takva osoba se ne može smatrati sljedbenikom islama.

Islamskih šarta ima pet:

Šehadet (što znači "svjedočenje") izgovoriti;

Namaz (salat, tur, namaz) klanjati;

Ramazanski post (savm, što znači "post") postiti;

Zekat (zekat, što znači "čišćenje") kao dio svog imetka izdvjiti i Hadždž (hadždž, što znači "hodočašće") barem jednom u životu islamska sveta mjesta hodočastiti. Ovakva je podjela prema učestalosti obavljanja pojedinih obaveza i ona je najčešće u upotrebi. Tačnija podjela prema važnosti pojedinih obaveza je gotovo ista s tim da se zekat nalazi na trećem, a ramazanski post na četvrtom mjestu.

Šehadet

Šehadet je rečenica kojom se postaje muslimanom kada se izgovori s vjerovanjem. Njome musliman izriče svoje uvjerenje u postojanje i jedinstvo Allaha te u poslanstvo Muhameda a.s. Šehada na arapskom jeziku zvuči ovako: "Eš heddu en la Illah illalaha ve eš heddu enne Muhammeden abduhu ve resulluhu." U prijevodu na bosanski jezik izgovaramo ovo: "Ja srcem vjerujem i jezikom izjavljujem da postoji samo jedan Bog, Allah i da je Muhamed Božji sluga i Božji poslanik." Prvim dijelom te rečenice muslimani izjavljaju da Bog postoji te da je On samo jedan. Muhamed je u šehadi naveden u svojoj ljudskoj prirodi (Božji sluga) i svojoj zadaći u svijetu (Božji poslanik).

Namaz

Namaz je direktni kontakt vjernika muslimana s Bogom, Allahom putem molitve te različitim položajima tijela. Riječ nāmāz je turska riječ perzijskog porijekla u upotrebi u bosanskom jeziku, a izvorna je riječ "salatun" arapskog porijekla te znači "biti u vezi". Namaz se obavlja svakog dana pet puta dnevno u tačno određena doba dana. Musliman u namazu je u vezi sa Stvoriteljem te Mu odaje počast riječima i pet različitih položaja tijela: kijam- je mirno stajanje

kiraet- je izgovaranje Kurana stojeci

ruku'- je ponizno saginjanje pred Božjom veličinom

sedžda- je polaganje lica na tlo među ruke u znak pokornosti

ka'de- je mirno sjedenje nogu povijenih pod sobom.

Ove kretnje se ponavljaju više puta, točno određenim slijedom. Također je precizirano što se u kojem položaju izgovara. Različiti položaji tijela u namazu simboliziraju odnos čovjeka prema Allahu: u kijamu musliman stoji pred Allahom kao prijatelj, u ruku'u kao sluga, a u sedždi kao pokoran rob Allahove volje. Za ispravnost namaza postoje određeni uvjeti te namaz

nije valjan ako samo jedan od njih nije zadovoljen.

Ramazanski post

Ramazanski post je treća praktična dužnost muslimana. Posti se 29 ili 30 dana mjeseca ramazana po islamskom kalendaru i to od zore do zalaska sunca. Post podrazumijeva potpuno odricanje od jela, pića, navike pušenja i seksualnih kontakata. Post će biti valjan ako je vjernik odlučio postiti u svrhu odanosti Allahu. Obveznici posta su svi muslimani i muslimanke nakon puberteta (što u islamu označava punoljetnost) koji su mentalno zdravi te fizički sposobni postiti.

Zekat

Zekat je četvrta praktična dužnost muslimana. Zekat je vjerski doprinos koji se izdvaja iz viška imovine. Pod viškom se podrazumijeva imovina koja ne služi za zadovoljenje osnovnih životnih potreba svojeg vlasnika s obitelji, npr. srebro, zlato, živo blago te roba namijenjena prodaji. Takva imovina naziva se "nisab" i podliježe obračunu zekata po stopi od 2,5 % ili jedna četrdesetina. Zekat se izdvaja onima kojima je u danom trenutku najpotrebniji (siromašni, prezaduženi, vjerske škole i sl.)

Hadždž

Hadždž obaviti je peta dužnost muslimana. Ta je dužnost ograničena na punoljetne, umno i finansijski sposobne muslimane i muslimanke. Finansijski sposobni su oni koji iznad potreba svoje obitelji imaju višak imovine dovoljan za hodočašće u Meku u Saudijskoj Arabiji. Hadž se obavlja zbog posjeta Kabi, svetištu muslimana u Meki. Onaj musliman koji nije finansijski u mogućnosti, nije obavezan obaviti hadž, a koji je zbog zdravstvenog stanja nesposoban izdržati taj put (a finansijski je sposoban), određuje zamjenika (bedel) koji će u njegovo ime obaviti dužnost hadža. Za žene muslimanke određeno je da moraju biti u pratnji muškog rođaka ili u većoj grupi žena. Hadž se obavlja u prvih 9 dana mjeseca zul- hidždžeta. Deseti zul- hidždže je dan Kurban-bajrama, koji se naziva i Hadži Bajram. Kao i za ostale islamske dužnosti, i za hadž postoje određeni uvjeti te određeni ritual izvođenja, a nakon obavljenog hadža muslimana se naziva hadžiom. Hadž se svake godine obavlja na istome mjestu i u isto vrijeme te se pretvorio u sveislamski skup u kojem sudjeluju milijuni muslimana iz čitavog svijeta. U to vrijeme, zabranjeni su međusobni sukobi muslimana te politički govor i izričito se naglašava jedinstvo muslimanske ume.



TUTNJEVAC

Džemat Tutnjevac nalazi se sedam kilometara sjevero-zapadno od Srebrenika na Magistralnom putu Tuzla-Orašje. Džemat Tutnjevac imaju oko 250 domaćinstava. Ovom džematu pripada i Centar Špionica. Ovaj džemat formiran je 1990 godine. Prva džamija sagrađena je 1990 godine. Džamija je sagrađena u klasičnom bosanskom stilu, betonskom konstrukcijom, pokrivena je crvenim crijepom na četiri vode, a uz džamiju je izgrađena zidana munara sa jednom šerefom. U kompleksu džamije nalazi se mektebska učionica i gasulhana, a u njenom haremnu nalazi se i mezarje. Svečano otvorenje džamije desilo se 24.08.2008 godine. Imami koji su službovali u ovom džematu su : Nezir-ef Zlatić, Nermi-ef Unkić, Abdulah-ef Arifović i sadašnji imam hfz Damir-ef Jahić. Od vakufske imovine, osim navedene džamije, u džematu se nalazi mektebska učionica koja je smještena na prostorijama džamije, gasulhanai dva mjesna mezarja. Mektebska nastava održava se dva dana u sedmici, subotom i nedjeljom. Ukupno upisanih polaznika mektebske nastave je 68 koji su podijeljeni u tri grupe. U prvoj grupi su oni učenici koji uče ilmihal, u drugoj su oni koji uče sufaru a u trećoj grupi su oni učenici koji uče u Kur'anu. Ukupno 21 učenik uči Kur'an, 9 uči kur'ansko pismo a ostali uče ilmihal. Učenici ovog mekteba svake godine učestvuju na mektebskom takmičenju kao I na sportskim susretima našeg Medžlisa gdje ostvaruju solidne rezultate. Ono što vrijedi još napomenuti jeste da se u našem džematu unazad dvije godine redovno uči zikir, subotom poslije jacije-namaza.



Imam i mualim:
hfz. Damir ef. Jahić

DŽEMAT LJENOBUD

Džemat Ljenobud ima 220 domaćinstava i 830 stanovnika. Udaljen je od Srebrenika 4 KM niz Kreku, odnosno 9 KM uz D.Potok. Ljenobud se smatra najboljegatijem selom na općini Srebrenik , sa svom infrastrukturom , i svime onim što je potrebno da ima jedno selo. Starosna dob Ljenobudana je: predškolske djece od rođenja do 7 godine imamo 38 od 2 do 8 razreda 62 djece, te srednjoškolaca od 1 do 4 razreda 22 djece. Ljenobud ima dosta visoko obrazovanih ljudi, i to dva doktora nauka, četri magistra, šest pravnika, šest profesora razredne nastave, te imamo dva doktora opće prakse i četiri medicinska tehničara, ostalo su zanatlije, majstori , tesari, zidari, klesari kamena, rudari i poduzetnici i mnogi bizismeni koji imaju svoje firme. Džemat Ljenobud je nekad imao dva džemata , sve do 1890 da bi se napravila stara džamija, koja je funkcionala sve do 1968, kad se rodila incijantiva za gradnju nove džamije ,koja je građena do 1971, kad je bilo i svečano otvorenje. Imami koji su bili u ovom džematu su: Avdija ef, Softić Avdo ef, Osman ef Moranjić i Zahirović Sulejman ef, od proglašenja imamsku dužnost obavlja je mještanin Mursel ef Zahirović do 1980, te Hamdo ef iz Živinica, te Nusret ef Kujraković i penzioner Husejn ef Mulahsanović. Od 1.11. 1985. pa do danas imamsku dužnost obavlja Avdo ef Velić. Moj dolazak u Ljenobud bio je nešto novo, jer do tad nije bio mlad čovjek imam u ovom džematu, tu su i mnogi problemi, nepostojanje vakufske kuće, te gradnja i kupovina placa, a najveći borci u ovoj akciji bili su: Zahirović hadži Mehmed, i Softić hadži Idriz,Softić hadži Vehdija, Dedić Zaim, Zahirović Osman. U 2007 godini jedan od najvećih zahvata ovog džemata je bio asfaltiranje puta D .Potok, Ljenobud, u dužini 2 kilometra, te kupovinu zemljišta za vakuf džamije, te 2009 podizanje spomen obilježja i otvaranje spomen parka Ljenobudskim šehidima: 1. Denjagić Nihad, 2.Džanić Osman, 3. Hadžić Samir, 4.Fazlić Miralem, 5. Terzić Salkan, 6. Zahirović Ahmet. Te 2011 započeli jedan naj vrijedniji posao a to je dovod gradske vode u naš džemal, koji je koštalo oko 8000,000 KM, da bismo mi građani dali 300,000 a ostalo općina i kanton, i ovih dana dobili smo upotrebljnu dozvolu tog vodovoda na korištenje. Posebno u ovom članku zasluguje pomen Zahirović Zuhdija koji je od 2006 godine naš blagajnik u džematu, i koji ima izvanredne rezultate, 90% naplativost članarine, što nije do sad ni jedan blagajnik uspio , a sve je te godine radio besplatno bez postotka , koji je ostavio za potrebe našeg džemata u ime Allaha dž.š., i tako je stekao veliki autoritet i povjerenje. U našem džematu imamo četverogodišnju školu, gdje idu naša djeca, učiteljice Likić Nizama i Zahirović Dekida, naše obje džemalijke, i mogu istaći dobru suradnju kad je u pitanju mektebska nastava. Ovih dana dobili smo kablovsku televiziju te pojačanje električne struje i gradnja trafoa, i rasvjeta od čitaonice do kuće Dedić Nijaza, urađena je kanalizacijska mreža. U mektebu 2012/13 upisano je 56 djece. Njih 10 uči u Kur'anu, 7 u sufari, a ostalih 39 uči ilmihal. U zadnjih 6 godina 32 polaznika mektebske nastave raznih uzrasta završilo je svolju prvu hatmu. Želim istaći da svake godine drugi dan hadži bajrama podjelimo djeci peketice, a njihov donator je vrijedni Dedić Nijaz.

Također se u ovom džematu obilježavaju i ostali značajni datumi, kao što je bajramska akademija koju izvode djeca, a tu su bili prisutni mnogi gosti, a među njima rahmetli glavni imam hadži Ismet ef Mustabašić i predsjednik MIZ Mevludin ef Joldić. Prošle godine organizovali smo iftar za sve naše bizismene, šehidske porodice, naše džemalijke i općinske zvaničnike. Naš džemal distributira 10 brojeva preporoda , glasnik, mualim i drugu literaturu El-kalema. Važno je istaći

da je dosta članaka iz ovoga džemata bilo objavljeno u našem listu preporod, te da je jedne prilike TK prenosiła hatme dove i mevlud iz ovog džemata. Naša djeca svake godine učestvuje na mektebskom takmičenju, i pokazuju visok nivo znanja i zauzimaju značajna mjesto, a u to se mogao uvjeriti tadašnji naš muftija , a sadašnji Reisul Ulema hadži Husein ef Kavazović gdje je bio impresivno zadovoljan, a naročito mu se svudio ljetopis našeg džemata. U našem džematu svaki put u povodu hatma dova organizuje se jednodnevna ili dvodnevna ekskurzija diljem naše BiH. Prošle godine posjetili smo Bihać, 2010 godine Sarajevo, Mostar, Vrelo bune i Počitelj. 2009 godine Kula grad kod Zvornika, Potočare i Srebrenicu, i 2008 godine Visoko i njenu medresu i piramide. Cilj ovih ekskurzija jeste da skrenemo pažnju i ukažemo da je mekteb neizostavna karika u lancu odgoja djece, uvijek želimo privući djecu na mektebsku nastavu, i time motivisati ih kako bi što redovnije i što više išli u mekteb. Zaista svi ovi projekti koje smo do sada činili i radili dali su rezultate u kvalitetnom dijelu mektebske nastave. Planiram ako Bog da izvesti još jednu generaciju hatma dova gdje ću pozvati sve one koji su završili hatmu da budu naši gosti iako oni imaju svoju djecu u mektebu, lijepo će biti vidjeti babu i sina, majku i kćerku sa Kur'anom u ruci. Želim ovom prilikom ukazati na obavezu koju roditelji imaju prema svojoj djeci. Ovim se nadam ako Bog da da ćemo pospješiti i pobuditako kako roditelje tako i djecu na dužnost i na ljetoput koju mekteb pruža u odgoju i obrazovanju naše djece. Ovdje još zaslužuje da se spomene koliko je bitno da svaki imam posjeti svog džematlju, lično sam u 2012 godini posjetio preko stotinu džematlja i upisao u ljetopis, te koliko je ko dao zekata i sadekatul fitr, kurbandske kožice i kurbandsko meso za naše medrese i ostali prilozi i serlige. Možda je važno spomenuti da u ovom džematu ima 21 prezime te da je rođeno od 01.11. 1985 god pa do danas 303 djece , obavio sam 55 akika, 80 mevluda u povodu useljenja u novu kuću, te 48 šerijatskih vjenčanja.Važno je napomenuti da 2011/12 naša djeca do 12 godina osvojila su prvo mjesto u fudbalu gdje su dobili i pehar, pobijedivši u finalu džemal Murate. Moram još istaći imena djece koja su do sada predstavljala naš džemal u mektebskom takmičenju opštug znajna i kiraeta to su: Zahirović Meliha, Čajić Lejla, Hadžić Irma i Dedić Naida. Svake godine za dan šehida posjetimo porodice šehida te siromašne i bolesne sa skromnim hedijama što smatram da i drugi trebaju tako činiti, a sve je to sitnica a tako vrijedna stvar. Ovo je dio iz bogatog repertoara ljetopota koje posjeduje ovaj džemal. Uz mahsuz selam, mi vam se zahvaljujemo.

Mjesni imam: Avdo ef Velić



Dragi Kandiljevci,

Želim vam predstaviti Irmu Hadžić koja ima 13 godina, ali je vrlo zanimljivo i interesantno dijete. Stoga mislim da zaslужuje da je predstavimo čitaocima našeg najmilijeg časopisa za djecu Kandilj. Ona je učenik 7. razreda O.Š. D.Potok, a džematlija džemata Ljenobud, inače pohađa redovno mektebsku nastavu. Učenica je šampion u znanju



sura koje rado uči pred starijim učenicima koji joj se dive i sa velikom znatiželjom slušaju. Ova vrijedna učenica ne samo da je odličan i primjeran učenik nego je aktivna u brojnim nastavnim i van nastavnim aktivnostima. Irma je dobra atletičarka, matematičarka, karatista, odbojkašica, gdje je osvojila mnoga priznaja kako općinska tako i kantonalna. No ovaj put o Irmi ne pišemo zbog toga nego što je najredovitija i naj disciplinovanija u mektebu, gdje evo unazad nekoliko godina dobija najbolje pohvale, kako od ef. tako i od ostale djece. Ona je pokrenula neke sekcije u našem mektebu kao što je: hrvatska, literalna, likovna... Irma je lijep primjer da se pored odličnog učenja u školi mogu uspješno pohađati i mektebska nastava gdje unazad 3 godine učestvuje na mektebskim takmičenjima, nekada iz

testa, a nekada i iz Kiraeta. Ovakom velikom uspjehu pored Irminog doprinosa tu su i njeni roditelji Esed i vrijedna majka Sedina i naravno njen ef. Avdo. Nadam se da ima razloga zbog čega je napisano ovo par rečenica o ovoj vrijednoj učenici. Molim Dragog Allaha da i ostane tako vrijedna..

ESSELAMU ALEJKUM

Zovem se Tursić Muhamed. Rođen sam 11.09.2007.god. Imam malo godina, ali to ne smeta da vam se javim. Ne znam čitati ni pisati ali znam gledati. Mogu vam reći da pregledam sav vaš Kandilj, i znate



šta: prave su novine, samo bilo bi bolje da u njima bude malo vise slika mojih vršnjaka. Rekao sam vam da neznam jos čitati, ali opet znam sta pise u Kandilju. Čudno vam izgleda. Ma nema tu ništa čudno. Moja mama Sanela i babo Nermin oni mi čitaju, a ja slušam i pazim. Njavio mi se svijjela ona priča što ju je Fatimi njen otac pričao. Eto, recite i vi da se i vama svida. Ma znam ja da jest. Znate eto ime moje mame i babe. A znate li možda šta ja i moji roditelji uvečer radimo? Ni to

ne znate. Dobro, ja će vam reći. Ucimo sureta. Naravno oni mene uče. I to ne samo sureta nego i oko abdesta i namaza i često odem sa babom na Džumu namaz u našu džamiju u Ljenobudu. A osim toga za svako veće oni mi ispričaju po jednu priču a posebno mi je ostala draga prica

o Jussufu a.s., o onom lijepom Božjem Pejgamberu. Da samo znate kako je lijepo slušati moje roditelje kad mi pričaju lijepo priče. Još ču vam za kraj reći nešto o svojim roditeljima. Kad dobro naučim neko sure presluša me moj efendija Avdo Velić, a onda me moji roditelji, dječovi i nane nagrade lijepom nagradom. Ovo je pismo napisao moj ef., ja sam mu samo diktirao u pero. A sljedeće ako Bog da, ja će vam lično svojom rukom napisati. Toliko za sada od malog Muhameda Tursića iz Ljenobuda.

VESELAMU ALJEJKUM

Brat i sestra-dva dragulja mekteba Ljenobuda

Naida je učenica 6. razreda, a Zeid 4. razreda. Nema sekcije u kojoj nisu brat i sestra Naida i Zeid dali svoj doprinos. Samo ove školske godine oni su u horskom Asanblu Zefir, ritmičkoj, recitatorskoj, novinarskoj, literalnoj, karate sekcijama, a u dodatnim nastavnim aktivnostima učestvuju iz matematike, fizike i svim mektebskim takmičenjima iz Kiraeta do 12 godina. Dakle ni jedno takmičenje nije prošlo bez njihovog učešća a samim tim i bez rezultata. Zeid je ujedno i najmlađi muzejin u našem džematu koji obraduje svojim milozvučnim glasom svakog prisutnog na Džumi-namazu. Često se pitam kao imam kako ovi učenici uspiju u toj borbi. Mogu li oni sve to postići? Oni kažu: da je upornost rezultat uspjeha. Ako upitate u školi ili mektebu ko su Zejid i Naida ka-



zat će vam sve najbolje. Avdo ef. kaže da su oni primjeri ostalima i da su dragulji ovog mekteba, i da su nam potrebni ovakvi insani. Zeid i Naida kažu: Sve ovo smo postigli uz našu upornost i podršku naših roditelja hadži Esada i Maksume, i ako Bog da imat ćemo još uspjeha. Oni pohađaju redovno mekteb i znaju cijeniti trud i zalaganje, i da su zahvalna Allahu što im je omogućio da pohađaju mekteb, i učestvuju u ostalim sekcijama i da opet budu odlični učenici. Mi smo zahvalni našim ef Avdi Veliću koji nam pruža pomoć za sticanje novih znanja iz naše vjere. Zeid i Naida su lijep primjer da se pored odličnog uspjeha u školi mogu uspješno pohađati mektebsku nastavu. Molim Allaha dž.š. da ih nagradi, i podari snage za dalji rad i uspjeh u njihovom radu. Amin.



Centralna mevludska svečanost u Srebreniku Muhammed a.s. najbolji uzor

Centralna svečanost upriličena je 12. rebiul-evela 1434. hidžratske godine, to jest u četvrtak 24. januara 2013 godine u džamiji džemata Centar Srebrenik, nakon podne-namaza. Povodom rođenja Božijeg poslanika Muhammeda, a.s. u džamiji C.Srebrenik u četvrtak iza podne-namaza upriličena je centralna mevludska svečanost na području Medžlisa islamske zajednice Srebrenik. U bogatom vjerskom programu u kojem su učeni ajeti iz Kur'ana Časnog, ilahije i odlomci iz Mevluda učešće su uzeli srebrenički imami. Prisutnima se obratitio glavni imam Medžlisa Srebrenik Refik-ef Hodžić. Svečanosti je prisustvovao glavni imam, predsjednik Medžlisa Mevludin-ef Joldić, srebrenički imami, i mnogobrojne džematlije. Na početku svečanosti kratak govor je održao imam džamije u C.Srebreniku Emir efendija Brašnjic. On je poželio dobrodošlicu svim prisutnim i izrazio oduševljenje što se džamija u C.Srebreniku popunila do posljednjeg mjesta. Naglasio je značaj u slijedenju posljednjeg Božijeg poslanika Muhammeda a.s. Nakon obraćanja imama džamije Emir efendije uslijedilo je izvođenje prigodnog mevludskog programa kojeg su izveli imami Medžlisa Islamske zajednice Srebrenik. Prisutni su mogli uživati u preljepom učenju odlomaka Kur'ana, učenju ilahija i kasida, te interpretiranju odlomaka Mevlud-i šerifa. U sklopu programa džematlijama se obratio i Refik-ef Hodžić, glavni srebrenički imam koji je u svome predavanju između ostalog istakao nužnost posjedovanja ljubavi prema Muhammedu, a.s. najodabranijem ljudskom biću, potrebe stalnog donošenja salavata na njega, oživljavanja njegovog sunneta i postupanje po njemu. On je govorio o poslaniku Muhamedu a.s. i vrijednostima u slijedenju sunneta kojeg nam je ostavio Muhammed a.s. Na kraju svog izlaganja Refik efendija je zamolio Allaha, dž.š., da nam pomogne da



nađemo načina kako da slijedimo Poslanika, a.s., u svakom našem postupku, te je zamolio Svevišnjeg da obilato nagradi sve one koji su došli u Džamiju C.Srebrenik da se na ovaj način prisjeti rođenja našeg miljenika, Muhammeda, a.s. Mevludski program je okončan učenjem prikladne dove. Molimo Allaha da nagradi sve muslimane svijeta, a posebno one koji su osjetili ljubav prema poslaniku, koji su došli u džamije da zajedno donose salavate na njega, da zajednički upute dovu, te jačaju međusobne veze. Allahu nagrade sve one koji su došli u džamiju C.Srebrenik da uveličaju ovu svečanost, sve imame kao i džematlije ovog džemata koji su bili izuzetni domaćini. Amin!

REISU-L-ULEMA HUSEIN EF. KAVAZOVIĆ POSJETIO MEDŽLIS IZ-e SREBRENIK

Husein ef. Kavazović, dosadšnji muftija tuzlanski, izabran je za novog reisu-l-ulemu Islamske zajednice u Bosni i Hercegovini. Dana 02.10.2012.godine poslije ikindije-namaza u prostorijama zgrade Medžlisa IZ-e Srebrenik upriličen je prijem novoizabranom reisu-l-ulemi Mr. Husein ef. Kavazoviću. U posjetu našem medžlisu u njegovom društvu posjetio nas je i novoizabrani muftija tuzlanski Mr. Vahid ef. Fazlović, dosadašnji direktor Behrambegove medrese u Tuzli. U svom uvodnom izlaganju glavni imam Medžlisa Srebrenik Refik ef. Hodžić uputio je čestitke novom reisu-l-ulemi, zahvalio mu se na dosadašnjem trudu i zalaganju, njegovoj nesebičnoj podršci ovom Medžlisu. On je čestitao i novoimenovanom muftiji tuzlanskom Vahid ef. Fazloviću. Nakon Refik ef. riječ je uzeo novi reisu-l-ulema te u svom nadahnutom govoru istakao je važnost zajednice, predstavio je svoj program rada, te zahvalio se prisutnim imamima, njih 40, na dosadašnjoj podršci. Svjestan je, kako je dodao, veličine dužnosti i obaveze koje su mu povjerene. "Upućujem dovu Allahu dž. š. da mi da snage da ih časno i dostojanstveno nosim na zadovoljstvo muslimana u cijeloj IZBiH i dobrobit svih ljudi", istakao je Kavazović. Nakon izlaganja Husein ef. riječ je uzeo Vahid ef. koji je u svom kratkom izlaganju istakao važnost jedinstva zajednice i važnost obrazovanja. Na kraju svi imami su čestitali novom reisu-l-ulemi kao i novom muftiji tuzlanskom, a završnu riječ i čestitku uputio je predsjednik Medžlisa IZ-e Srebrenik Mevludin ef. Joldić.

Upućujemo dovu Allahu dž. š. da ih nagradi i pomogne, te da im podari uspjeha i snage u daljem radu. Amin!





NAGRADNI KVIZ



1. Načini sticanja lijepog morala su:

- a. _____
- b. _____
- c. _____

2. Kada nije dozvoljeno klanjati?

3. Šta je tejemum i kako se uzima?

4. Islamski ucenjaci dijele post na tri kategorije:

1. - _____ post koji se sastoji od ustezanja od jela i pića i spolnog općenja.
2. - _____ post koji bi se sastojao od ustezanja sluha, vida, govora, pokreta ruku, nogu i ostalih dijelova tijela od grijeha.
3. - _____ post, a to je post srca, oslobođen od svih niskih pobuda i dunjalučkih razmišljanja, uz odbacivanje svega osim Uzvišenog Allaha. Ovo je stepen vjerovjesnika, iskrenih i bliskih ljudi Allahu dž.š.

Na kraju se isplati trud

Begunić Lejla je pobjednica nagradnog kviza kojeg redovno objavljujemo u svakom broju „Kandilja“. Na adresu redakcije mektebskog lista „Kandilj“ pristiglo je 6 koverta sa odgovorima na pitanja iz prošlog lista, Begunić Lejla je dala tačan odgovor na sva pitanja i tom prilikom zaslužila vrijedne nagrade koje su im uručili glavni imam Medžlisa IZ-e Srebrenik Refik-ef Hodžić i urednik lista „Kandilj“ Damir-ef Babajić.

Begunić Lejla je redovna polaznica mektebske nastave Čehaje. Rođena 05.06.1999 godine u Tuzli. Pohađa Osnovnu Školu I O.Š. Srebrenik 7 razred. Ona je u školi odlična učenica sa prosjekom 5.0. Na ovogodišnjem mektebskom takmičenju iz kategorije učenje Kur'ana do 15 godina Lejla je zauzela 3 mjesto. Na upit njenog muallima, njenog baba, Jasmin-ef Begunića, za nju je kazao da je redovna polaznica mekteba Čehaje i da uspješno savladava gradivo, da uči u Kur'anu i da je ponosan na ovakvu učenicu, a da je i ponosan na svoju kćerku. Koristim ovu priliku da čestitam Lejli na njenom rezultatu, zamolim Allaha da joj podari nagradu, da nastavi sa osvajanjima nagrada, a ostalima da posluže za primjer u redovnosti pohađanja mektebske nastave.



NAJMLAĐI HADŽIJA IZ BIH HADŽ JE OBAVIO U INVALIDSKIM KOLICIMA

Prva grupa hadžija koji su u Meku putovali u organizaciji Islamske zajednice (IZ) u Bosni i Hercegovini doputovali su danas popodne na Međunarodni aerodrom Sarajevo. Nove bosanske hadžije, njih oko 200, slavili su svoj povratak na sarajevskom aerodromu, grleći svoje najbliže. Najmlađi hadžija iz BiH je osmogodišnji Amin Hodović iz Lukavca. Mali Amin je za agenciju Anadolija izjavio da je jako sretan što je imao priliku da ispuni svoju veliku želju i ode na hadž. Ovaj hrabri dječak hadž je obavio u invalidskim kolicima. „Išao sam gdje god su i drugi išli, i mnogo sam klanjao. Išao sam i na tavar i na Arefat. Kamenovaо sam šejtana, bacio sam na njega sedam kamenića“, ponosno je kazao Amin. Njegov otac Esad Hodović je kazao da je Aminova velika želja sve njih potakla da odu na hadž i da mu ispune tu želju.

„Bio je jako radostan kroz sve što smo radili na hadžu. To je i mene jako usrećilo. Ovim povodom želio bih se zahvaliti svima koji su pomogli da Amin ostvari svoju dugogodišnju želju“, kazao je on kroz plač Esad, dodavši da, ipak, ne gubi nadu, te da će hadž i njemu i Aminu pomoći kako fizički tako i psihički.



Ramazanski poklon Medžlisa IZ-e Srebrenik

Šest novih učača Kurana u džematu Čehaje

Da se upornost isplati pokazuju nam primjeri muallima Jasmin-ef Begunića i vrijedne djece polaznika mekteba Čehaje, a naročno neizostavno je spomenuti i upornost roditelja. Najzanimljiviji i največaniji program obilježavanja mubarek noći lejletul-kadra u organizaciji MIZ Srebrenik bio je u džematu Čehaje, gdje su na prigodan način obilježene hatma dove šest polaznika mektebske nastave Čehaje. Na samom početku programa Jasmin-ef Begunić, imam džemata Čehaje, je poselamio sve prisutne u džamiji a posebne selame je uputi svim generacijam iz ovog džemata koji su do sada završili hatmu, a svi oni njih 41 su dobili pozivnice za ovu svečanost, te time ih podsjetio da oni nisu zabravljeni a i da oni ne zaboravljaju da se druže sa Kur'anom. Bila je to izvrsna prilika da svršenici hatme: Ahmetović Naida, Begunić Lejla, Nurković Anisa, Sinanović Hamza, Ibrić Muhamed, Hodžić Adnan, te ostali polaznici mekteba iz ovog džemata koji su veoma blizu da ostavare ovaj cilj, predstave se svima onima koji vole Kur'an i omladinu, učenjem odlomaka iz Kurana, ilahija i poučnih recitacija. Džamija je bila ispunjena vjernicima a lijepi i melodični glasovi su djelovali osvježavajuće za dušu i srce svih vjernika koji su bili prisutni. Savečanost su uveličali prof. Behram-begove medrese u Tuzli Mr. Mensur ef. Husić, imami MIZ-e Srebrenik na čelu sa predsjednikom Izvršnog Odbora MIZ-e Srebrenik Mevludin ef. Joldićem, koji je u svom obraćanju nakon podjele diplome svršenicima hatme i prigodnih hedija, koje je obezbijedio džemat i jedan vrijedni džematlija ovog džemata, istakao važnost na polju podučavanja i učenja Kurana. Na kraju je čestitao polaznicima mekteba ovog džemata, njihovim roditeljima, džematskom odboru, a posebnu čestitku je uputio imamu ovog džemata Jasmin-ef. Beguniću na uloženom trudu i zalaganju na polju mekteba i izvrnoj organizaciji hatma dova za najodabraniju noć Lejletul-kadr. Jasmin-ef Beguniću perdsjednik je uručio priznanje i hediju ispred MIZ-e Srebrenik.



MEVLUD ZA ŽENE U DŽEMATU LUKA

24.02.2013. je u džematu Luka upriličen mevludska program za žene. Džemalijke Luke i članice U.G. Pustinjska ruža zajedno sa gošćama iz Banovića su proučile Jasin pred dušu Hz. Pejgambera a zatim mevlud sa ilahijama. Nakon proučenog mevluda prigodno predavanje je održala muallima Edina Mujkić. Džamiske prostorije su bile tjesne da prime sve sestre koje su došle iz raznih džemata našeg medžlisa. Zahvaljujemo se svima koji su učestvovali u organizaciji mevluda prvog ove vrste u našim krajevinama. Nadamo se da će ove čestite muslimanke i ovaj mevlud biti povod za više ovakvih manifestacija i za veće učešće žena u vjerskom životu na našem medžlisu.



Hatme u džematu Previle

Dana, 16.06.2012. god., poslije podne-namaza, u džematu Previle, MIZ Srebrenik, upriličena je hatmenska svečanost povodom proučenog Kur'ana od strane 8 učenika i učenica koji su bili vrlo uspješni na polju učenja i proučavanja Kur'ana. Bila je to izvrsna prilika da se djeca predstave svima onima koji vole Kur'an i omladinu. Vrijedno pohvale je sam stajling djece koji su se izuzetno lijepo obukli za ovu životnu svečanost. Svečanost su uveličali imami medžlisa Srebrenik koji su na tradicionalan način izveli mevlud, na čelu sa glavnim imamom, Refik-ef Hodžićem koji je u svom kratkom obraćanju istakao važnost na polju podučavanja i učenja Kur'ana. Nihad efendiji je uručeno priznanje i vrijedna knjiga. O važnosti učenja Kur'ana, hatmi, Miradža govorio je prof. İdriz-ef Memić, professor Behram-begove medrese, koji je svojim vazom nadahnuo prisutne vjernike. Djecu, svršenike hatmi obradovali su:

1. Refik-ef Hodžić, glavni imam Medžlisa Srebrenik, uručio je diplome i knjige svršenicima hatmi u ime Medžlisa IZ-e Srebrenik
 2. Predsjednik džematskog odbora Mevludin Hodžić, u ime džematskog odbora
 3. Hadži Muharem Subašić svršenike hatmi obradovao novčanim sredstvima uručivši im kovertu.
 4. Hadži Husejn Johić- Predsjednik džematskog odbora u Hamburgu, svršenike hatmi obradovao je jednoobraznom odjećom, pored toga nijet hadžije Huseina bila je da poveća br. Preporoda, našem džematu jedinog islamskog informativnog časopisa IZ-e u Bosni, i pretplatio je 2 broja za cijelu godinu, za dva najbolja polaznika mektebske nastave, Alić Amara i Ibrahimović Kanitu.
- Ovogodišnji svršenici hatmi su:
1. Alić Amar sin Mevludina i Hedije
 2. Siljković Nermin sin Mevludina i Fate..
 3. Ibrahimbegović Kerim sin Idriza i Jasmine
 4. Ibrahimbegović Kanita, kći Idriza i Jasmine
 5. Alić Mirela kći Memsudina i Enise.
 6. Džafić Anela kći Muriza i Hasibe
 7. Dugalić Edina kći Almira i Senade.
 8. Joldić Nerma kći Mihada i Hazeme.



Radost džemata Potpeć

U nedjelju, 17. aprila 2012.godine u džematu Potpeć upriličena je dvostruka svečanost. Naime, osam polaznika mektebske pouke iz ovoga džemata prezentirali su stečeno znanje iz Kiraeta i tako po drugi put polagali ispit koji su pred vjersko- prosvjetnom komisijom Medžlisa islamske zajednice Srebrenik uspješno položili mjesec dana ranije. Polaznici koji su položili hatmenski ispit su:


1. Avdić Selmedina kći Šeme i Sevlete
2. Begović Mustafa sin Sulejmana i Sabine
3. Čelebić Vahdetra kći Hasana i Safete
4. Halilović Almir sin Sevdalije i Sulejmane
5. Kadrić Džemail sin Beriza i Hasije
6. Mehmedović Amela kći Senaida i Nezire
7. Mustać Selma kći Sulejmana i Hafize
8. Turnadžić Elma kći Osmana i Džemile

Svim svršenicima hatmi, njihovim roditeljima i muallimu čestitamo na postignutom uspjehu uz dovu Uzvišenom da ih obilato nagradi za uloženi trud i napor.





Radovi




Khalid Z. 7. god.



Semir Delić 7. god.



Ivana Osmorović-Viti

BOSNA I HERCEGOVINA
JE MOJA DOMAĆA JE
JAKO VOLIM.ELMA ŽELEŽ
III-a

Selma Jazarević 3.

ELMA ŽELEŽ
III-a

PRAVILA PONAŠANJA PRILIKOM JELA



Prije jela oprati ruke.



- Ako na raspolaganju imamo maramicu, trebamo je staviti na krilo kako bi izbjegli da ostaci hrane padnu na odjecu.
- Jelo se treba poceti s dovom: Bismillahi ve alaa berekatillahi (U ime Allaha, s Njegovim bereketom).
- Treba se jesti desnom rukom, a osim toga početi jesti s prednje strane iz tanjira (umjesto da se poslužujemo unakrsno jelom iz tanjira).
- Treba uzimati manje zalogaje i jesti zatvorenih usta. Prilikom toga treba se žvakati polahko. Također trebaju se izbjegavati nepotrebni zvukovi prikom jela.
- Prilikom prinošenja hrane ustima, usta ne trebaju da budu previše otvorena.
- Kod stavljanja hrane u vlastiti tanjur uzima se ono što se nalazi najviše naprijed i ne treba dugo tražiti ono što nam se sviđa.
- Na početku tanjur ne treba da bude pun. Po potrebi u tanjur možemo dodati opet još hrane.
- U svoj tanjur stavlјate samo onoliko hrane koliko uistinu možete pojesti. Nakon jela tanjur treba biti prazan.
- Ako nema dovoljno hrane iz obzira prema drugima treba se manje jesti.
- Ne treba se pretrpavati nego jesti samo onoliko koliko je potrebno. Sa jelom treba prestati onda kad smo još malo gladni.
- Prilikom jela ne treba se previše previjati naprijed niti saginjati.
- Ako se koristi pribor za jelo ne trebaju se time proizvoditi nepotrebni zvukovi.
- Prilikom pića ne treba se piti iz jednog gutljaja, već smirenio i sa predahom. Također trebaju se izbjegavati zvukovi poput „aah“ poslije pijenja.
- Ako se na početku jela zaboravi izgovoriti dova prije jela, onda se tokom jela čim se sjeti treba izgovoriti dova: Bismillahi avvallahu we aahirahu (U ime Allaha na početku i na kraju).
- Poslije jela treba se izgovoriti sljedeća dova: Elhamdulilla hillezi at-amena vesekana vedžealena minel muslimin. (Sva hvala pripada Allahu, koji nam je dao jelo i piće i koji nas je učinio muslimanima).
- Ako se stavila maramica u krilo, onda se ona treba skupiti i njome se trebaju obrisati usta i ruke. Potom se vodom trebaju oprati ruke i izaprati usta.
- Također se ne treba piti previše hladna voda.

DESTI U DRUŠTVU

- Kada dođete na ručak,a za stolom već sjede neke osobe onda ih trebate pozdraviti sa Esselamu- Alejkum.
- Ako se uzme nešto za jelo iz jedne posude ili za piće iz jednog krcaga, treba paziti da se to sve vrati na mjesto na kojem je stajalo. Ne treba ih postaviti kraj sebe jer na taj način mogu nastati poteškoće za druge da pristupe tome.
- Ako su jedna posuda ili poslužovnik postavljeni predaleko onda se ne treba pružati ruka preko stola kako bismo to dohvatali, već ćemo zamoliti osobu koja je u blizini da doda posudu odnosno poslužovnik.
- Tokom jela se treba što manje razgovarati. A ako se razgovara to se ne čini punih usta.
- Ako do Vas sjedi starija osoba onda Vi čekate dok ona ne otpočne jesti. Čak i ako ste završili s jelom trebate sačekati dok i onda ne pojede do kraja. Ako Vam se žuri onda se trebate izvinuti i onda ustati.
- Kod sjedenja i ustajanja sa stolicice treba se voditi računa da se stolica ne vuče po tlu već da se podiže pa potom prema naprijed i nazad pomice.
- Treba se izbjegavati sve vrijeme da se bulji u nekoga dok jede.

Likovni i literarni radovi polaznika mektebske pouke





Bosna

Bosna je zemlja kojoj se divim,
ona je kuća u kojoj živim.
Bosna je iz bašte najljepši cvijet,
ona je za mene cijeli svijet.
Bosna je pjesma koju ja pišem,
ona je prijatelj za koga dišem.
Toplina njena uvijek me prati,
ja Bosnu volim kao svoju mati.

Elma Softić



Edin Džeko (Sarajevo, 17. marta 1986.) je bosanskohercegovački nogometni igrač. Trenutno nastupa za engleski Manchester City, i igra na poziciji napadača. Karijeru započinje u Željezničaru, gdje je igrao od 2003. do 2005. S 18 godina odlazi u Češku, gdje je za Teplice u jednoj sezoni odigrao 43 utakmice i postigao 17 golova. Koncem sezone proglašen je za najboljeg stranca u češkoj ligi. Njegove odlične igre zapazio je Felix Magath i 2007. godine, u transferu vrijednom 4 milijuna eura odlazi u njemački VfL Wolfsburg. U sezoni 2008./09., igra odlično, te s Wolfsburgom osvaja Bundesligu, a sa 26 postignutih pogodaka bio je drugi najbolji strijelac lige. 2009. godine u izboru "France Football-a", za najboljeg nogometnika svijeta zauzeo je 13 mjesto. U sezoni 2009./10., sa 22 postignuta pogodka postao je najbolji strijelac njemačke Bundeslige.

U siječnju 2011. godine potpisao je ugovor sa engleskim Manchester Cityjem. Odšteta je rekordna za njemačku Bundesligu, a iznosi 27,5 milijuna funti. Debi u dresu Manchester City-a je upisao 15. januaru u 4:3 pobjedi protiv Wolvesa, bio je asistent kod trećeg gola. Osvaja FA Premier ligu sa Manchester Cityjem 2012. godine. U kvalifikacijama za Svjetsko prvenstvo u Južnoafričkoj republici 2010., za bosanskohercegovačku reprezentaciju postigao je 7 golova, gdje je i prvi strijelac kvalifikacija u 2008. godini, a ukupno je za reprezentaciju dosad odigrao 31 utakmicu i zabio 17 golova.

Mesut Özil (Gelsenkirchen, 15. oktobar 1988.) njemački je nogometni turskog porijekla. Trenutno igra za španjolski nogometni klub Real Madrid i njemačku nogometnu reprezentaciju. Karijeru je započeo u Schalkeu 04 da bi 2008. za 5 milijuna

eura prešao u Werder iz Bremena. Nakon sjajnog nastupa na Svjetskom nogometnom prvenstvu prodan je Real Madridu za 18 milijuna eura. Godine 2005., postao je član omladinske momčadi Schalkea. Igrao je u veznom redu i nosio broj 17, a prve nastupe zabilježio je kao zamjena za ozlijedenog Lincolna u Ligakolu u utakmicama protiv Bayer Leverkusena i Bayern Münchena. Iako je opisivan kao veliki talent, Özil se nije dopao vodstvu kluba te je prešao u Werder Bremen u januaru 2008. U januaru 2008., Özil prelazi u SV Werder Bremen potpisujući ugovor koji ga obvezuje do 2011. godine. Za Werder je odigrao 71 ligašku utakmicu i postigao 13 pogodaka, ali nije osvojio nijedno prvenstvo. Doduše, s Werderom je osvojio jedan nacionalni kup i igrao u finalu UEFA Kupa, gdje su izgubili od Šahtara. Nastupi u njemačkoj izazvali su interes klubova kao što su Arsenal, Barcelona i Manchester United, ali je najkonkretniji bio Real Madrid, za kojeg Özil potpisuje 2010. godine. U julu 2010., Özil je potpisao za Real Madrid. U dvije sezone, Özil je sakupio 71 ligaški nastup uz 10 pogodaka, a osvojio je jedan nacionalni kup i prvenstvo, igravši i u polufinalu Lige prvaka, gdje je postigao pogodak u porazu svoje momčadi 2:1 od Bayern Münchena. Özil za prvu momčad Njemačke reprezentacije nastupa od 2009. godine. Za U-21 reprezentaciju nastupao je od 2008. do 2009. godine. Nastupio je na Svjetskom prvenstvu 2010. i Europskom prvenstvu 2012. godine.

10 savjeta kako da se djeca prisjećaju Poslanikovog, a.s., života

Govoreći o Poslanikovom, s.a.v.s., životu i slijedenje njegovih stopa bi trebalo da bude dnevna praksa muslimanskih porodica kako bi nastavili da volimo, poštujemo i da se pokoravamo Allahovoj, dž.š., volji, koji je njega odabrao kao ljudsko biće savršenim za predstavljanje islama.

Ovdje se nalazi deset savjeta po kojima vaša djeca mogu učiti o voljenom Muhammedu, s.a.v.s., tokom cijele godine. A za one koji se obrazuju u kući, ovi savjeti se mogu primjeniti i na učenje u kući te time poboljšati iskustvo takvog učenja, kroz njegovanje porodice koja će izrasti u jednu cjelinu koja će voljeti i prezirati u ime Allaha.

1. Jedan dan jedno djelo; 2. Sira za lahkou noć; 3. Putujte svijetom; 4. Budite zaštitnik zelenila; 5. Budite u kontaktu s domovima za jetime; 6. Napišite pismo voljenoj osobi; 7. Čitajte sure i proučavajte tefsir; 8. Upućujte dove; 9. Upoznajte nove prijatelje u mesdžidu; 10. Uživajte u datulama.

Bio Haso u Njemačkoj i danas mu zadnji dan da nešto kupi. Haso nazove Muju i reče:

-“Mujo hoćeš li Iphone?”

Nato Mujo reče:

-“Može.”

Upita Haso:

-“Koji 4 ili 5?”

Kaže Mujo:

-“Ma jok bolan dosta mi je jedan.”

Huso se izgubio u velikoj pustinji, danima žedan puže po vrelom pijesku. Odjednom ugleda bunar. Čim mu je prišao, poče da vrišti od sreće:

-“Voda! Voda!”

Duboko iz bunara se začu:

-“Gdje? Gdje?”



Najmlađi padobranac (6) skače sam od treće godine

Dok druga djeca sanjaju o letu goleim balonom ili avionom, Brazilac Luan Da Silva već je ispunio svoj san jer skače s padobranom već tri godine.

Brazilac Luan Da Silva ima šest godina i najmlađi je padobranac na svijetu. Ima specijalnu sjedalicu s utezima kako ga vjetar ne bi otpuhao. Uživa skočiti s pješčane dine. Skače od treće godine.

- Letenje mi je zabavno. Prvi put sam skočio s tatom s dvije godine - rekao je neustrašivi Luan.

Luan i njegova desetogodišnja sestra Jade redovno se uzdižu u zrak do 20 metara dok ih nadgledaju roditelji Carlos Alberto Dal Molin (44) i Marcia de Almeida (39). S obzirom da su oboje instruktori padobranstva,



učenje djece bio je prirodnji korak.

- Mislim da im je opasnije voziti se u autu nego skakati s padobranom - rekao je Carlos.

Najviši čovjek na svijetu napokon prestao rasti!

Dizanje u visine za najvišeg čovjeka na svijetu ipak će stati na 2 i pol metra - više neće rasti. 29-godišnji Sultan Kosen koji je pre rastao svog oca sa 7 godina, priznaje kako mu je visina zadala mnogo muka u djetinjstvu.

>> Životna ispjovjest najvišeg čovjeka na svijetu

'Otkad sam visok suočavam se s poteškoćama u životu. Imao sam mnogo teških dana. Nisam mogao izići iz sobe, obitelj mi je bila u financijskim problemima pa nisam mogao primati odgovarajuću terapiju. Često sam plakao u sobi. Morao sam ograničiti svoj život. No, od kada me Guinness službeno imenovao, moj život ponovo je počeo, jako sam sretan', kaže Sultan Kosen.

Prestanak rasta rezultat je liječenja tumora na mozgu koji je proizvodio hormone rasta. Nakon terapije u Americi sada je u

zdravstveno stabilnom stanju. Prvi put objavio je kako ima i djevojku. 'Ovo je moj savjet svima, nemojte biti frustrirani, život je kratak! Morate znati kako živite jer živate samo jednom. Nitko ne bi trebao bježati od drugih ljudi, osobito ako imaju hendikep ili su osobe s invaliditetom. Svatko ima pravo živjeti', poručuje Kosen.

Kosen je jedan od 10 ljudi u povijesti koji su rasli preko 2 metra. Najveći čovjek u povijesti bio je visok 2 metra i 72 centimetra, a živio je početkom 20. stoljeća.



Nepalac i zvanično najmanji čovjek na svijetu

Sedamdesetdvogodišnji Nepalac, rođen u zabitici na jugozapadu zemlje, proglašen je u nedjelju najmanjim čovjekom na svijetu kojeg je ikada registrirala Guinessova knjiga rekorda. Chandra Bahadur Dangi je visok 54,6 cm, što je za 5,3 cm manje od Filipincu Junreya Balawinga koji je junu proglašen najmanjim čovjekom na svijetu. "Kako Dangi ima 72 godine, on je i najstarija osoba koje je proglašena najmanjom osobom na svijetu u 57 godina postojanja Guinessovih rekorda", izjavio je Craig Glenday, glavni urednik publikacije. Dangi, koji teži 12 kilograma, izjavio je nedavno za agenciju AFP da bi ovo "priznanje" moglo na neki način kompenzirati godine patnje. Kada je u 12. godini ostao siroče, članovi porodice su ga pokazivali na sajmovima kao fenomen i tako zarađivali. Poslije je počeo zarađivati tkanjem traka od jute i samo je nekoliko puta odlazio iz svoga sela koje se nalazi u siromašnoj zoni Nepala, u regiji Dang, 350 kilometara udaljenoj od Katmandua. Chandra Bahadur Dangi je došao u nepalsku priestonicu prvi put u okviru ceremonije koju je organizirao Guiness. "Posjetit ću strane zemlje i susretati ljudi u cijelom svijetu", izjavio je on. Uzroci niskog rasta su misterija, ali većina muškaraca i žena koji su registrirani kao najmanje osobe na svijetu pate od "prvobitne patuljatosti".



CORN FLIPS

GOLD
chips

CORN FLIPS
PROIZVODI I PAKUJE: DD "MAJEVICA" SREBRENIK BIH

gold flips
S KIKIRIKIJEM

neto 140g

70g e

...prvi smo bili, prvi i ostali ...